

6. ibilbidea: Nerbioiko ibilbidea

Urak hegan egiten ikasten duen tokia

Bizkaia eta Araba, ahizpak eta aldamenekoak. Bailarak, mendizerrak, ibaia, historia eta ametsak partekatzen dituzte. Edertasuna, ohiturak eta ardoa partekatzen dituzte. Erdi Aroko harzolak, atek, arkuak eta oihartzunak; iragan oparoen, aduanen eta, Europako iparraldera bidean, artilea Gaztelatik ontziratze-portuetara eramaten zuten merkatarien oihartzunak. Hor, ura aire bihurtzen da; goi-goitik egiten du hegaz, ibai baten sorburua isuri nahi baitu Bizkai gainera, Nerbioi ibaia bera, zeina indartsu iritsiko den Bilbora iraganari zentzua ematera, etorkizun infinituak berreraikitzen.

Bilbotik BI-636 errepidetik irtenda, BI-2604 errepidean desbideratuko gara eta, horrela, **Gordexolara** iritsiko gara. Burdinaren industria oso garrantzitsua izan da herri horretan, XX. mendera arte aktibo iraun baitzuten bertako burdinola zaharrek. Era berean, jauregien eta etxetzarren lurra da, bai eta dorretxeen eta indianoen luxuzko etxeena ere.

Ibilbide honetan, Arabako eskualde bat ezagutzea proposatuko dizuegu, Aiaraldea ezagutzea, **Artziniega** eta **Kexaa** herriak ikus ditzazuen. BI-2604 errepidea utzi gabe, lehenengo herrira sartuko gara. Erdi Aroko hiribildu txikia da, non Artziniegako dorrea, Museo Etnogra-

Ibilbideei eta mendi-ibiliei buruzko informazio gehiago Aiaraldeako eta Goi Nerbioiko turismo-bulegoan.

Artziniegan, A-624 errepidea hartuko dugu, eta, 12 bat minutuan, **Kexaan** egongo gara. Kexaako erdialdea monumentu-multzoa da, jauregi gotortuak, elizak, dominikarren komentua eta Adatsaren Ama Birjinaren kapera-dorreak osatzen dutena.

A-624an kilometro gutxi batzuk egin ondoren, Aresketamendira iritsiko gara, Energia Berriztagarrien Par-

kera (Amurrio). Aire zabaleko tokia da, eta, bertan, hainbat energia-iturriekin zerikusia duten tresna ezberdinen funtzionamendua ikusi eta probatu ahalko dugu. Horrela, garapen jasangarriaren aldeko apustuan sartuta dauden energia-printzipioak ezagutuko ditugu. Oso aproposa familia-giroan bisitatzeko.



Artziniega



Urduña



Kexaa



Nerbioi ibaiaren jautzia

Amurrión, A-625a hartuko dugu, Urduñarairitsi arte. Horixe da hiritulua duen Bizkaiko herri bakarra. Aspaldi, eta Gaztelari dagokionean, merkataritza- eta aduana-gunea zen. Egun, ondare zibil eta erlijioso garrantzitsua eskaintzen du.

Foruen plaza abiapuntu ona da Gorobel mendilerroan oinez edo bizikletaz ibiltzera joateko. Bertigorik ez baduzue, Nerbioiko begiratokira igotzea gomendatzen dizuegu. Hortik, euskal geografiako ikuspegi bikainenetako bat behatu ahalko duzue: **Nerbioi ibaiaren jautzia**. 300 bat metroko jautzia egiten du ibaia, zaldi-buztanaren itxura duen ur-jautzi batean. Horretarako, A-2625

errepidea hartu behar duzue, eta Urduñako portua igo. Portuaren gainaldean, Santiagomendiaren sarrearekin topo egin arte jarraitu behar dugu errepidean. Ezkerraldean, etxola baten ondoan, pasabide kanadar bat eta lehenengo aparkalekua aurkituko ditugu. Bidean barrena, lau aparkaleku topatuko ditugu (3.a dago jautzitik hurbilen); leku mugatua dute, eta, horietako batzuetan, ordaindu egin behar da. Aparkatu ondoren, baso-pista jarraitu besterik ez da egin behar, eta "Santiago iturria-Nerbioiko jautzia PR-BU 42" ibilbidea jarraitu. Garrantzitsua: ur-jautzia ikusteko, eurite- edo urtzaldi-garaian joatea gomendatzen dizuegu.

Urduñatik BI-625etik irtenda, bidean atzera egingo dugu, Amurriotik igaroz, eta A-624 errepidetik jarraituko dugu. Hor, BI-2522 errepidea hartuko dugu, zuzenean eramango gaitu-eta **Orozkorara**. Bertako kaleak zeharkatu ditzakegu, eta Olarteko San Bartolome eliza, Anunzibai zubia eta Legorburu jauretxea (Museo Etnografikoaren egoitza) ikusi.

Bilbora itzultzeko, nahikoa izango da AP-68ra sartzea. Berehala egongo gara Bizkaiko hiriburuan.